

Signos que pechan oracións


- 1 Arrodea de azul os puntos e seguido, de verde os puntos e á parte e de vermello o punto final.

O niño

Onte vin un niño nunha árbore. Era pequeno e redondiño. Semellaba unha maraña de ramiñas con plumas enganchadas.

Eu quisen collelo para ensinártelle aos amigos, pero miña nai non me deixou. Ela dixo que algunha ave dedicara moito tempo e esforzo a construílo e que seguro que ese mesmo paxaro, ou outro, aproveitarían o niño máis dunha vez.

Quizais teña razón. Na primavera, cando os paxaros se volvan emparellar, irei ver se o niño está ocupado.



- 2 Copia este texto cos puntos e as maiúsculas necesarios. Obterás catro oracións.

Ana e mais eu estamos xuntas na clase ela ten os ollos verdes e o pelo negro e liso é moi simpática e divertida ademais, sempre me axuda cando non entendo algunha cousa

Ana e mais eu estamos xuntas na clase. Ela ten os ollos
verdes e o pelo negro e liso. É moi simpática e divertida.
Ademais, sempre me axuda cando non entendo algunha
cousa.

- 3 Escribe os signos de puntuación que faltan nestas oracións.

• Que calor vai hoxe



• Quen che deu este papel



• Mariña ten unha letra moi bonita



• A cova é moi escura. Que medo dá



• Cando vas vir xogar á pelota



• Creo que aquela é a túa curmá Uxía



REPASA ESTA INFORMACIÓN. Despois, corrixe as actividades anteriores.

Para indicar que unha oración acaba, utilizanse diversos signos de puntuación.

- Ao final das oracións en que se afirma ou se nega algo, escríbese un punto (.).
- Ao final das oracións en que se pregunta algo, escríbese un signo de interrogación (?).
- Ao final das oracións en que se expresa sorpresa, admiración, medo, etc., escríbese un signo de admiración (!).